

照鏡仔个感想 108 年安和（四年級）

各位評判先生，各位同學，大家好，捱係第 3 號，今晡日捱要演講个題目係：「照鏡仔个感想」，現下人，逐日定著要支釐到伶俐，著到亮線正敢出門，捱乜當好照鏡仔个細人仔，時常照鏡仔，分捱看到自家个優點摻缺點，幫助捱學到行不改名，坐不改姓做人態度。

佇屋下，爺哀乜係捱个“鏡仔”佢兜（過橋比捱行路長，食鹽比捱食米多），當捱成長中有進步，勢大人就緊誡瑠捱講，還慶哦！學校功課寫忒，曉得希手屋下，微毛末節个事，捱暢到尾都拂起來哦！朝晨頭捱成時會打潑擻，嘴堵鼻翹，阿姆行兼來安慰捱講：

「後生毋肯學，老來無安樂」，暗摸疏胥，捱寫字寫好，索仔就拿起來跳，阿爸細聲講，隔壁鄰舍驚怕歇暎哩！捱實在還好彩哦！有爺哀該明快个鏡仔，隨時隨地提醒捱，分捱人生越來越湛斗。

有一擺唐太宗譴愷愷仔，退朝行到內宮，摻皇后講：捱定著要斬得人惱个魏徵，逐擺就在文武百官面前，嘎吾面皮，捱實在忍毋核哩！有智慧个皇后講：英明个天子，正有條直个大臣，魏徵一溜仔就一條腸子透屎舐，若係殺害忠良，國家必敗。

公元 643 年，見擺就直槌打直鼓个魏徵病死哩！唐太宗盡痛腸噉著講：一個人用銅做鏡仔，做得照見衫褲、帽仔有著、戴正無？魏徵死哩！就少了一個盡好个鏡仔，在生活中乜有當多像魏徵恁寶貴个鏡仔。捱个演講就講到這位，恁仔細大家。